

Broj: 01-14-4-1133-13/15

Sarajevo, 16.11.2015. godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama Bosne i Hercegovine («Službeni glasnik BiH», broj 39/14), na preporuku Komisije za javne nabavke imenovane rješenjem broj: 01-14-4-1133-1/15 od 01.10.2015. godine, direktor Federalnog hidrometeorološkog zavoda, d o n o s i

O D L U K U

o izboru najpovoljnijeg ponuđača za nabavku roba: Nabavka i montaža uređaja za visokovolumno uzorkovanje zraka za potrebe analize lebdećih čestica u zraku na Meteorološkoj stanici Bjelave - Sarajevo

Član 1.

Prihvata se preporuka Komisije za provođenje postupka javne nabavke roba (u daljem tekstu: Komisija), rješenje broj: 01-14-4-1133-1/15 od 01.10.2015. godine, te se Ugovor za javnu nabavku roba - Nabavka i montaža uređaja za visokovolumno uzorkovanje zraka za potrebe analize lebdećih čestica u zraku na Meteorološkoj stanici Bjelave - Sarajevo – dodjeljuje ponuđaču „DVOKUT PRO“ d.o.o. Sarajevo, ul. Avde Hume broj 11, najbolje ocijenjene ponude broj: 07-14-4-1334/15 od 05.11.2015. godine, za ponuđenu cijenu od 37,859.00 KM bez PDV-a.

Član 2.

Prijedlog ugovora o nabavci dostavit će se na potpis izabranom ponuđaču „DVOKUT PRO“ d.o.o. Sarajevo, po isteku roka od 15 dana računajući od dana kada su svi ponuđači obaviješteni o izboru najpovoljnije ponude.

Član 3.

Za izvršenje ove odluke zadužuje se Sektor opštih poslova.

Član 4.

Ova Odluka objavit će se na web stranici Zavoda istovremeno sa upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

O b r a z l o ž e n j e

Postupak javne nabavke roba pokrenut je Odlukom o pokretanju postupka javne nabavke roba: Nabavka i montaža uređaja za visokovolumno uzorkovanje zraka za potrebe analize lebdećih čestica u zraku na Meteorološkoj stanici Bjelave - Sarajevo, broj: 01-14-4-1133/15 od 30.09.2015. godine.

Javna nabavka provedena je putem Otvorenog postupka sa procijenjenom vrijednosti javne nabavke roba bez PDV-a do 62.000,00 KM, uz objavu obavještenja o nabavci na Portalu javnih nabavki, broj: 615-1-1-49-3-12/15 dana 15.10.2015. godine i u „Službenom glasniku BiH“ broj:81/15 od 19.10.2015. godine.

Dana 09.11.2015. godine, Komisija je direktoru Zavoda dostavila Zapisnik o pregledu i ocjeni ponuda s preporukom o izboru najpovoljnijeg ponuđača u postupku javne nabavke roba: Nabavka i montaža uređaja za visokovolumno uzorkovanje zraka za potrebe analize lebdećih čestica u zraku na Meteorološkoj stanici Bjelave - Sarajevo. Komisija je blagovremeno i pravilno izvršila otvaranje pristiglih ponuda, kao i poređenje i ocjenu istih, o čemu je sačinila zapisnik u kojem je utvrđeno slijedeće:

- Da su blagovremeno pristigle ukupno tri (3) ponude;
- Da nije bilo neblagovremeno zaprimljenih ponuda;
- Da su ponude ponuđača „THEISS“ d.o.o. Sarajevo, „CETEOR“ d.o.o. Sarajevo i „DVOKUT PRO“ d.o.o. Sarajevo prihvatljive.

U postupku donošenja odluke cijenjene su činjenice da je Komisija pravilno i potpuno izvršila ocjenu kvalificiranosti ponuđača, te ocjenu, poređenje i rang listu prispjelih ponuda, shodno kriteriju najniža cijena, odnosno ocijenjeno je da je Komisija pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Uvidom u priloženu dokumentaciju nesporno je da je izabrani ponuđač „DVOKUT PRO“ d.o.o. Sarajevo izabran primjenjujući kriterij najniže cijene koja je ponuđena u iznosu od 37.859,00 KM bez PDV-a, a da je drugorangirani ponuđač ponudio cijenu u iznosu od 42.500,00 KM bez PDV-a, dok je trećerangirani ponuđač ponudio cijenu u iznosu od 47.347,00 KM bez PDV-a.

Iz navedenog razloga, primjenom člana 64. stav (1) tačka b) Zakona o javnim nabavkama odlučeno je kao u dispozitivu.

Pouka o pravnom lijeku: Ponuđač koji je učestvovao u postupku nadmetanja može, radi zaštite svojih prava i pravnih interesa, izjaviti žalbu Federalnom hidrometeorološkom zavodu u roku od 10 (deset) dana od dana prijema ove odluke.



DIREKTOR

Almir Bijedić

Dostaviti:

- „DVOKUT PRO“ d.o.o. Sarajevo
- „CETEOR“ d.o.o. Sarajevo
- „THEISS“ d.o.o. Sarajevo
- Sektor opštih poslova
- IT Centar
- a/a